

[Augsburg], 11. Januar 1572

An Hugo Blotius

ÖNB Cod. 9737<sup>z</sup>, Kassette I (Nr. 14), fol. 85r.

S. Etsi te mallem, Clariss[ime] et doctiss[ime] vir, tuo commodo, certum alicubi domicilium constituisse: quam, ingrauescente paulatim aestate, incertis vagari sedibus (Neque enim comtemnendum est illud Theocriti, οὐκ ἀεὶ θέρος ἐσσεῖται, ποιεῖσθε καλίας) tamen, κατὰ τὸν δεῦτερον πλοῦν, etiam ipsam fortunam tibi censeo gratulandam. ὡς γὰρ δυνάμεθα. etsi fortasse scholastica ista tua vita καὶ ἀνερμάτιστος, et plus voluptatis et minus molestiarum habet, quam ἡ ἄγαμός μου οἰκονομία. Τὴν τῆς ἐπισκοπῆς προσκοπὴν facilè vitabit tua prudentia et taciturnitas: ἀνυπευθύνων ὅντων κάκεῖ τῶν ὑπολήψεων. Nos hic et fame et pestilentia afflictamur: et horrendae Turcorum minae iactantur: quas nemini contemnendas esse censeo. Caesar affecta esse valetudine fertur: timentur multa et varia. Vale. et D. Hutteno (si adhuc isthic est) meo nomine S[alutem]. De Ioachimo Pasceuicio, verè nobili adolescente, valde aevo scire quid factum sit. quem ego vita longiss[ima] et ampliss[ima] fortuna dignum ex aliquot dierum consuetudine iudicaui. Iterum vale. 3 Idus Ianuarij 1572.

Hiero[nymus] Wolfius  
Tuus.